

Protocol da la radunanza generala dal

## **LÖ D'INSCUNTER LAVIN**

als 4 marz 2015 in Chasa Fliana a Lavin

S-chüsats: Otilia Christoffel, Mengia Bonifazi, Jolanda Thanei, Riet Pedotti, Thomas Nievergelt, Matthias Federspiel, Ida Toutsch, Rico Parli, Cilgia Nogler, Jonpeider Strimer

### **Bivgnaint**

Nos president Dumeng Duschletta das-cha salüdar a 16 personas a la radunanza generala.

### **Tscherna dals dombravuschs**

Nuot Curdin Bonifazi vain elet sco dombravusch.

### **Protocol da la radunanza generala dals 23.04.2014**

Il protocol da la radunanza generala dals 23.04.2014 vain prelet ed approvà.

### **Approvaziun dal rapport da gestiun**

Il president Dumeng Duschletta da ün sguard inavo sül on da gestiun. Dürant la prüma sezzüda ha la suprastanza parti sü las diversas incumbenzas: Dumeng Duschletta, president, Josef Barbüda, vicepresidente e resuonsabel per l'organisaziun dals cuors pels homens insembel cul cussgliader agricul. Jachen Erni, chaschier, Annapatrizia Richert, actura e respuonsabla per l'organisaziun dals cuors per las duonnas insembel cun seisteam, Anastasia Parli, assessura

La suprastanza definescha diversas cumischiuns. Illa cumischiun respuonsabla pels cuors da duonnas fan part: Otilia Christoffel, Margaritta Conradin, Annina Erni, Mathilda Pernisch, Anastasia Parli ed Annapatrizia Richert. Cuors per pauras/paurs fan part: ils cussgliaders agriculs cun Reto Lamprecht co persuna da contact e Josef Barbüda.

La suprastanza ha decis d'attadar ils predschs per las pernottaziuns in Chasa Fliana davo la gronda renovaziun e da tscherchar commembers chi pajan üna cuntribuziuna annuala e sun pronts da's ingaschar per la Fliana.

Ils cuors da las duonnas han gnü lö sco üsità d'utuon d'october fin december. L'andamaint es stat bun cun üna partizipaziun ca. ruduond 70 duonnas als cuors ed als referats. Nouv d' eira, cha'l giantar vaiva darcheu lö illa Chasa Fliana. Il rebomb sün quel müdamaint es stat ourdvard positiv.

Ils cuors per las pauras ed ils paurs han gnü lö dürant ils mais schner fin marz. Causa mancanza d'annunzchas han pudü gnir manà tras be il cuors da cuschnar ed il cuors da segnals da vachas (Kuhsignale). Per l'avegnir sarà da reponderar il concept da tals cuors per spordscher cuors interessants ed eir pajabels. I füss puchà scha'ls cuors nu pudessan plü gnir manats tras gio la Fliana our da motivs finanziaals cun tuot cha'l scopo primari da la Fliana d'eira da spordscher üna scolaziun a las pauras ed als paurs da la region.

Nos president da ün sguard inavo sülla renovaziun da la Chasa Fliana. La prümvaira dal 2013 han cumanzà las lavurs da renovaziun culla prüma etappa: fabricat annex, las fanestras, l'isolaziun da la fatschada ed ün nouv tet. La seguonda etappa nun ha pudü gnir cumanzada tenor termin, causa ils problems finanziaals (defradaziun). Davo bleras discussiuns ha la suprastanza decis da continuar eir culla seguonda etappa e dad ir amo üna vouta in tschercha da munaida. Implü s'ha eir decis da desister pel mumaint sülla renovaziun dal s-chodamaint e da la chanalisaziun. Illa seguonda etappa dürand l'on 2014 sun gnits fats müdamaints interns sco s-chaffas, fuonds, duschas e tualettas, dar gio culur intern e miss ad ir l'infrastructura da la sgürezza da fö, müdà oura il system d' alarmaziun e miss aint ün nouv ascensur per transportar la roba da chadafö sün salla da mangiar. Ils cuosts per la fabrica s'amuntan sün CHF 708'000.-. Per quel scopo sun entradas donaziuns i'l import da circa CHF 500'000.-. In occasiun da l'ultim di dals cuors da las duonnas ha gnü lö üna pitschna festa d'inauguraziun da la chasa Fliana.

Daspö la prümvaira 2013 es la Fliana confrontada cun üna defraudaziun. Illa sezzüda dal cussagl dals 4.12.2013 es gnü decis da trar inavant il cas fin ad ün eventual process. Davo diversas sezzüdas cun noss jurist ed eir tschels pertocs -l's tratta quia da 5 differents pertocs - s'ha trat üna nouva decissiuin, quella da prouvar da chattar üna soluziun tanter tuot ils pertocs, sainza ir fin davant güdisch. Tuot quai ha dat fich blera lavur per nos jurist co eir per la suprastanza ed i ha vaglù la paina d' avair pazienza per chi's ha chattà üna fin.

Dumeng Duschletta ingrazia a la fin a sias collegas ed a seis collegs da suprastanza, a las commembras ed als commembers dal cussagl, als commembers da la cumischiun da fabrica, als revisurs da quint ed a Margaritta e Plasch per lur gronda lavur ch' els han fat d'ürant l'on a böen da la Fliana. Sco ultim infuormescha nos president ch' el haja decis da's retrar da sia carica sco president per la fin dal prossem on da gestiun 2015 our da motivs da sandà. Il rapport vain approva da la radunanza cun ün applaus. (Il rapport detaglià dal president es acclus a quist protocol).

## **Quint annual 2014**

### **Explicaziuns**

Nos chaschier da las explicaziuns detagliadas in regard al quint annual 2014. S-chavd da CHF 13'751.08, entradas da 348'794.93, sortidas da CHF 362'546.01.

#### **a) Rapport dals revisurs da quint**

Ils revisurs da quint, Armon Bezzola e Jachen Padrun, han revis il rendaquint e la contabilità manada da nos chaschier Jachen Erni ed han chattà tuot in bun uorden.

#### **b) Approvar il quint annual e'l bilantsch e dar dis-charg als organs respunsabels**

Ils revisurs da quint propuonan d' approvar il quint annual e'l bilantsch.

Il quint annual e'l bilantsch vegnan approvats da la radunanza unanimamaing e quattras eir dat dis-charch als organs respunsabels.

## **Approvar il preventiv 2015**

Jachen Erni preschainta il preventiv 2015 chi prevezza ün s-chavd da CHF 6'839.- pro entradas da CHF 59' 250.- ed expensas da CHF 66'089.-. Il preventiv vain approvà da la radunanza unanimamaing.

## **Fixar las contribuziuns annualas 2015 & 2016 da las commembranzas singulas e collectivs**

Las contribuziuns per las commembranzas da CHF 30.- per singuls, CHF 50.- per conjugals, CHF 60.- per personas juridicas vegnan approvadas unanimamaing e restan dimena sco fin qua.

## **Propostas tenor art. 14, alineia 4 dals tschantamaints**

Propostas tenor artichel 14 nu sun entradas ingünas.

## **Varia**

I vain discuttà animadamaing che chi pudessan esser ils motivs per la mancanza d'annunzchas pels cuors dals paur. A qualchüns preschaints paran ils cuosts per tscherts cuors dals paur da CHF 120.- al di plütöst chars. Dumeng es eir dal maniamaint cha nossa societa stuvess surtour üna part da quels cuosts usche sco cha quai vain eir fat culs cuors da las duonnas.

Il punct dals cuosts da quels cuors vain in mincha cas tratta dal cussagl per l'on chi vain - per quist on es quai oramai massa tard.

Nos president ingrazia ad Anna Margaritta e Plasch Filli per lur engaschamaint d'ürant l'ultim on. Inavant ingrazia el als preschaints per la cumparsa e das-cha serrar la sezzüda a las uras 21:40h. In buna fai, l'actuara

Annapatrizia Richert-Clagluna

Bos-cha, 5 marz 2015